



Broj: 11-19-11-2-2533/25

Datum: 02.09.2025. godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2025. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu

1. Prihvata se prijedlog Komisije za provođenje otvorenih postupaka nabavki u postupku Javne nabavke usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu, te se Ugovor dodjeljuje ponuđaču PPG d.o.o. Sarajevo i GIBL d.o.o. Banja Luka, prema Ponudi broj: 1367/25 od 22.08.2025. godine, po ukupnoj cijeni u iznosu od 180.000,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
4. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu, koji je proveden po Obavještenju o nabavci broj:1412-1-2-212-3-136/25 od 01.08.2025.godine, objavljenom u "Službenom glasniku BiH" broj: 48/25 od 08.08.2025. godine i Ispravci Obavještenja o nabavci broj:1412-1-2-212-8-139/25 od 08.08.2025. godine, objavljenom u "Službenom glasniku BiH" broj:broj: 49/25 od 15.08.2025. godine.

Dana 25.08.2025.godine, Komisija za provođenje otvorenih postupaka nabavki za 2025. godinu je za Javnu nabavku usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu, izvršila radnju Otvaranja ponuda o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

Procijenjena vrijednost Javne nabavke usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu iznosi 249.266,64 KM bez PDV-a.

U postupku pregleda i ocjene ponuda za Javnu nabavku usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu, Komisija je utvrdila da je za navedenu nabavku u određenom krajnjem roku za dostavljanje ponuda pristiglo ukupno (5) pet ponuda i to: Ponuda ponuđača URBIS CENTAR d.o.o. Banja Luka broj:1244-P/25 od 19.08.2025.godine, Ponuda ponuđača IG d.o.o. Banja Luka-ovlašteni predstavnik IPSA Institut d.o.o. Sarajevo broj:2219/25 od 20.08.2025. godine, Ponuda ponuđača SARAJ INŽENJERING d.o.o. Sarajevo broj:SI-302/25-EA od 20.08.2025. godine, Ponuda ponuđača PPG d.o.o. Sarajevo i GIBL d.o.o. Banja Luka broj:1367/25 od 22.08.2025. godine i Ponuda ponuđača HKP CONSULTING d.o.o. Banja Luka i grupa ponuđača broj:1003/25 od 22.08.2025. godine.

U postupku pregleda i ocjene Ponude ponuđača URBIS CENTAR d.o.o. Banja Luka broj:1244-P/25 od 19.08.2025. godine, Komisija je utvrdila da je navedeni ponuđač u sklopu svoje ponude dostavio Potvrdu UNDP-a o uspješno izvršenoj realizaciji posla (stranice 79 do 84. ponude) u ukupnom iznosu od 728.020,80 KM sa PDV-om naznačenog u potvrdi UNDP-a, iz čega nije jasno vidljivo da li je vrijednost minimalno jednog ugovora koji se odnosi na predmet nabavke najmanje 200.000,00 KM bez PDV-a, kako je to traženo tačkom 7.3.2. pod a) Tenderske dokumentacije.

Komisija je u odnosu na navedeno od ponuđača URBIS CENTAR d.o.o. Banja Luka u skladu sa članom 68. stav 3) ZJN BiH zatražila pismeno pojašnjenje dostavljene potvrde UNDP-a, te je zaprimljeno pojašnjenje ponuđača broj: 1288-P/25 od 28.08.2025.godine, u kojem je naznačeno da je ugovor za izradu idejnih i glavnih projekata i izrada kompletne tenderske dokumentacije za rekonstrukciju, izgradnju i opremanje šest psihijatrijskih klinika u BiH realizovan u okviru jednog ugovora, gdje je ponuđač u prilogu navedenog pojašnjenja dostavio i kopiju potpisanog ugovora sa UNDP iz kojeg je vidljivo da je rok završetka ugovora 31. decembar 2020.godine, što nije u skladu sa tačkom 7.3.1. i tačkom 7.3.2. Tenderske dokumentacije, kojim odredbama je jasno traženo da ponuđač treba dokazati uspješno iskustvo u realizaciji najmanje jednog ugovora u posljednje tri godine čiji se karakter i kompleksnost odnose na predloženi ugovor, što ponuđač URBIS CENTAR d.o.o. Banja Luka dostavljenom potvrdom i zaprimljenim pojašnjenjem nije dokazao.

Obzirom na navedeno, ponuda ponuđača URBIS CENTAR d.o.o. Banja Luka je odbačena iz dalje kvalifikacije za Javnu nabavku usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu u skladu sa članom 68. stav 4. tačka f) ZJN BiH jer nije u skladu sa zahtjevima iz tenderske dokumentacije, te je kao takva za ugovorni organ neprihvatljiva.

U postupku pregleda i ocjene Ponude ponuđača SARAJ INŽENJERING d.o.o. Sarajevo broj:SI-302/25-EA od 20.08.2025. godine, Komisija je utvrdila da je navedeni ponuđač u sklopu svoje ponude dostavio Referencu pravnog lica Vjetropark INTERWIND d.o.o. Sarajevo za izvršene usluge (stranice 31. i 32. ponude) u sklopu kojih je navedeno više ugovora koji se odnose na predmet nabavke u ukupnom iznosu od 352.736,70 KM sa PDV-om, iz čega nije jasno vidljivo da li

je vrijednost minimalno jednog ugovora najmanje 200.000,00 KM bez PDV-a, a što je predmet ove nabavke i traženo tačkom 7.3.2. pod a) Tenderske dokumentacije.

Komisija je u odnosu na navedeno od ponuđača SARAJ INŽENJERING d.o.o. Sarajevo u skladu sa članom 68. stav 3) ZJN BiH zatražila pismeno pojašnjenje dostavljene Reference pravnog lica Vjetropark INTERWIND d.o.o. Sarajevo, te je zaprimljeno pojašnjenje ponuđača broj: SL-317/25-AE od 28.08.2025.godine, u kojem je naznačio da je navedeni ponuđač zaključio ugovor sa firmom Vjetropark d.o.o. za izradu projektne dokumentacije (izvedbeni projekat) za vjetroelektranu Ivan sedlo, te da navedeni ugovor podrazumjeva Izradu jednog projekta prema jednom ugovoru čija je vrijednost 352.736,70 KM sa PDV-om, navodeći da su datumi i brojevi ugovora koji su pobrojani u Referenci prvi i osnovni ugovor i naknadni Anexi vezani za osnovni ugovor, koje pojašnjenje je od strane Komisije prihvaćeno jer je ponuda navedenog ponuđača u skladu sa tačkom 7.3.1. i tačkom 7.3.2. Tenderske dokumentacije.

U postupku pregleda i ocjene Ponude ponuđača HKP CONSULTING d.o.o. Banja Luka i grupa ponuđača broj:1003/25 od 22.08.2025. godine, Komisija je utvrdila da je navedeni ponuđač u sklopu svoje ponude dostavio Potvrdu pravnog lica DAMJAN d.o.o. Banja Luka o uredno izvršenom ugovoru (stranice 100. i 101. ponude) u ukupnom iznosu od 237.300,00 KM sa PDV-om, koji se odnosi na Idejno rješenje, Glavni projekat, Projekat vanjskog uređenja i Reviziju tehničke dokumentacije, iz čega nije jasno vidljivo da li je vrijednost ugovora koji se odnosi na predmet nabavke najmanje 200.000,00 KM bez PDV-a, kako je to traženo tačkom 7.3.2. pod a) Tenderske dokumentacije.

Komisija je u odnosu na navedeno od ponuđača HKP CONSULTING d.o.o. Banja Luka i grupe ponuđača broj:1003/25 od 22.08.2025. godine, u skladu sa članom 68. stav 3) ZJN BiH zatražila pismeno pojašnjenje dostavljene potvrde pravnog lica DAMJAN d.o.o. Banja Luka, te je zaprimljeno pojašnjenje ponuđača broj: 1032-1/28 od 28.08.2025.godine, u kojem je naznačeno da je vrijednost ugovora sa firmom Damjan d.o.o. Banja Luka u iznosu od 202.820,51 KM bez PDV-a i da se isto odnosi na Idejno rješenje i Glavni projekat (Izvedbeni projekat sa revizijom tehničke dokumentacije i Projekat vanjskog uređenja), gdje je ponuđač u prilogu navedenog pojašnjenja dostavio i zahtjev za obrazloženje potvrde upućen firmi Damjan d.o.o. Banja Luka, Obrazloženje potvrde firme Damjan d.o.o. Banja Luka i kopiju Ugovora i ponude firme Damjan d.o.o. Banja Luka.

U predmetu Predmetu ponude firme Damjan d.o.o. Banja Luka je navedeno da dokumentacija obuhvata Idejno rješenje, Glavni projekat, Projekat vanjskog uređenja te izvedbeni projekat i reviziju tehničke dokumentacije, što ukupno iznosi 202.820,51 KM bez PDV-a, čime navedeni ponuđač dostavljenom potvrdom i navedenim pojašnjenjem nije dokazao da vrijednost ugovora koja se odnosi na predmet nabavke iznosi najmanje 200.000,00 KM bez PDV-a, kako je to jasno traženo tačkom 7.3.1. i tačkom 7.3.2. Tenderske dokumentacije.

Komisija je u svom radu utvrdila da je ponuđač HKP CONSULTING d.o.o. Banja Luka i grupa ponuđača u sklopu svoje ponude dostavio Izjavu o ispunjenosti uslova iz člana 45. stav 1. tačka a) do d) ZJN BiH koja nije potpisana od strane ponuđača, te je kao takva ovjerena od strane nadležnog organa i ponuđača (stranica 58. ponude), kao i da isti ponuđač u Obrascu za cijenu ponude ANEX II nije iskazao podkriterij „Rok isporuke“ u broju dana kako je to traženo tačkom 9.1.1. tačke 2. Tenderske dokumentacije, nego je naveo da je rok isporuke po projektnom zadatku, što je isto naznačio i u ANEXU IV, člana 4. Nacrta ugovora, iz kojeg raloga nije moguće izvršiti vrednovanje ponude kako je to određeno tačkom 3.1.1. Tenderske dokumentacije.

Obzirom na navedeno, ponuda ponuđača HKP CONSULTING d.o.o. Banja Luka i grupa je odbačena iz dalje kvalifikaciju za Javnu nabavku usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu u skladu sa članom 68. stav 4. tačka f) i i) ZJN BiH jer nije u skladu sa zahtjevima iz tenderske dokumentacije, te je kao takva za ugovorni organ neprihvatljiva.

Komisija je u svom radu utvrdila da su Ponude ponuđača IG d.o.o. Banja Luka-ovlašteni predstavnik IPSA Institut d.o.o. Sarajevo broj:2219/25 od 20.08.2025. godine, Ponuda ponuđača SARAJ INŽENJERING d.o.o. Sarajevo broj: SI-302/25-EA od 20.08.2025.godine i Ponuda ponuđača PPG d.o.o. Sarajevo i GIBL d.o.o. Banja Luka broj:1367/25 od 22.08.2025. godine, formalno-pravno ispravne i ispunjavanju uslove tražene tenderskom dokumentacijom, te kao takve za ugovorni organ prihvatljive.

U skladu sa članom 64. ZJN BiH, izvršeno vrednovanje prihvatljivih ponuda ponuđača prema kriteriju Ekonomski najpovoljnija ponuda i ispunjavanje svih traženih uslova u skladu sa tačkom 9.1.1. Tenderske dokumentacije kako slijedi:

Redni broj	PONUĐAČ	Cijena –učešće 60% (60 bodova)	Rok isporuke – učešće 30% (30 bodova)	Rok plaćanja- učešće 10% (10 bodova)	Ukupan broj bodova
1.	„PPG“ d.o.o. Sarajevo i Gibl“ d.o.o. Banja Luka	180.000,00 KM bez PDV-a 60 bodova	30 bodova	10 bodova	100
2.	„Saraj Inženjering“ d.o.o. Sarajevo	186.170,00 KM bez PDV-a 58,01 bodova	30 bodova	10 bodova	98,01
3.	„IG“ d.o.o. Banja Luka-ovlašteni predstavnik „IPSA Institut“ d.o.o. Sarajevo	189.999,00 KM bez PDV-om 56,84 bodova	30 bodova	10 bodova	96,84

Rukovodeći se kriterijem Ekonomski najpovoljnija ponuda uz ispunjavanje svih traženih uslova, Komisija u skladu sa članom 70., ZJN BiH predložila da se za Javnu nabavku, usluga izrade idejnog rješenja i izvedbenog projekta sa revizijom na objektima kasarne Enver Šehović u Semizovcu, donese Odluka o izboru najpovoljnijeg ponuđača i ugovor dodijeli ponuđaču PPG d.o.o. Sarajevo i GIBL d.o.o. Banja Luka, prema Ponudi broj: 1367/25 od 22.08.2025. godine po ukupnoj cijeni u iznosu od 180.000,00 KM bez PDV-a, što je konstatovano u Zapisniku o pregledu i ocjeni ponuda od 25.08., 27.08., 01.09. i 02.09.2025. godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

Dostaviti:

- Sektor za finansije i javne nabavke
- ponuđačima
- u spis

**V.D. DIREKTOR
(Načelnik SKP-a)
GLAVNI INSPEKTOR**

Vahidin Munjić

